

## Transkription von Urkunde HRO 1399d

Ort, Datierung: Rostock, 1399-09-01

Signatur: Stadtarchiv Rostock, U 3, B, Vorstädte U 3d Gragetopshof 1399 September 1 [\[online\]](#)

Inhalt: Wynold Bagghele, Bürgermeister zu Rostock, und Gherd Grentze, Ratmann:  
Gutsurkunde

Wȳ Wȳnold Bagghele Borghermester to Rozstock vnde Gherd gre(n)tze Ratma(n) dar zulues  
vorstende(re) des godeshuzes zu(n)/te Jurgens Buten der mȳren to Rozstock Bekenne(n) vnde  
betũghen openbar(e) in dessem breue dat wȳ mȳt vsen na/komelinghen . hebben vorkoft deme  
beschedene(n) ma(n)ne Hermen grawetoppe vnde zin(en) recht(en) erue(n) to pacht/rechte zunte  
Jurgens hoof de de nyehoef ghenomet is vnde belegghen is twisschen des stades velde to Rozstock / vnde  
deme Sȳldemower velde myt vif houēn myn vif morghen vor veerhundert m(a)rk Rozstocker  
pe(n)/ni(n)ge . den hoof schal he hebbe(n) vnde bezitten vn(de) zine erue(n) myt aller to behoringe Mit  
watere myt water/lope afvlote vnde tovlote Mit wisschen mȳt weyde Mit ackere buwet vnde  
vnghebuwet Mit holte / vnde holtinge myt busschen vnde myt studen vnde Meenlike(n) myt aller nũd  
vnde bruklicheit wo de / ghenomet zin vnde mȳt aller Brukeheit vn(de) vrigheit alze de zulue hof van  
oldinghes ghehord heft / vn(de) beleghe(n) vn(de) begrepe(n) is in alle(n) ende(n) ziner schede Jn  
lenghe in brede Jn hoghe vnde an dupe to zu(n)te Jurge(n)s / godes hues altes nicht vtghenome(n)  
Men zu(n)te Jurgens godeshues vnde den vorstendere(n) dar ane to behol/dende Richte vnde denst  
vnde zoes Rockhoure van dessem vorbenomede(n) houē schal h(er)me(n) g(ra)wetop(pe) vn(de) / zine  
erue(n) deme godeshues vnde den vorstendere(n) vorbenom(ed) vnde ere(n) nakomelinghe(n) gheue(n)  
to pacht [veer vn(de)] / dortich m(a)rk Rost(ocker) alle Jar to zu(n)te merte(n)s daghe dit loue wi  
vorbenomede(n) winhold vnde gherd vorbeno(med) / myt vsen nakomelinge(n) hin(ric) g(ra)wetoppe  
vnde zine(n) erue(n) stede vn(de) vast to holde(n)de vor alle weddersprake vn(de) / zunder arghest To  
tughe der warheit hebbe wi zunte Jurgens inghezeghel myt vsen inghezeghele henghet / vor desse(n)  
bref hir were(n) ouer to tughe de Erlike(n) lude her dȳderik hollogher vnde her olrik grulle de ere /  
inghezeghele mede to tũghe henghet hebb(et) vor desse(m) bref de de gheue(n) vnde sc[reuen] is na  
godes bort drutty(n) / hu(n)dert Jar jn deme neghe(n) vnde neghe(n)tegheste(n) Jare In zunte  
Egidius daghe des hilleghen(n) abbates /